

حزب اسلامک



جمعه ايرتسی *

صحیفہ	سنہ	کانون ثانی	سنہ	ربیع الآخر	ومرو
۳۹۱۹	۱۳۰۲	۳	۱۳۰۴	۱۹	۴۷۵

- * اشبو غزته بهر هفته جمعہ ايرتسی کونلری چيقار سنہ لکی درسعات ايچون مجيديه
- * يکرمی غروش حسابيله التمش غروشدر طشره لر ايچون اون بش غروش پوسته اجرتی ضم اولنور بهر
- * ناسخه سی بنه مجيديه يکرمی غروش اولمق اوزره يوز ياره به هر يره صاتيپور درج اولنه جق اعلاناتک
- * هر برندن بر مجيديه اخذ اولنور سنہ لکنه مشتری اولمق استيانلر عدليه نظارتی دائره سنده کائن
- * جریده محاکم اداره سنہ مراجعت ايتليلدر *

قلیبه یه تحویل یلیله عهده سنہ رتبه ثانیه صنف
ثانیسی توجیه بیورلمشدر

(مرعیت احکامنه بالاستبدان اراده سنیه)
(جناب پادشاهی شرف تعلق بیوریلان فقره)
(ناسخه صورتیدر)

درسعات تجارت اوطه سی نظامنامه داخلیننه
فی ۸ محرم سنه ۱۲۹۹ و فی ۱۸ تشرین ثانی سنه ۹۷

قسط سہمی

توجیہات

بنغازی بدایت محکمہ سی جزا دائره سی ریاستی
اورفہ بدایت محکمہ سی جزا ریسی سابق حاجی
یاور افندی یه

ادرنه ولایت جلیله سی ملحق اتندن قیرجہ علی
قضاسی بدایت محکمہ سی مدعی عمومی معاونلکی
مکتب حقوق شاهانه مآذونلرندن مؤمن افندی یه
توجیه اولمشدر

اورفہ بدایت محکمہ سی اعضاسنندن و اشرفندن
محمد بدیع افندیکن حاز اولدیعی اربتبه علیہ سنک

تاریخچه تزیین اولنگان مواد نظامیه نیک بشنجی
فقره سنک حکمی فسخ اولمشدر
فی ۳ ربیع الاخر سنه ۳۰۴
وفی ۱۸ کانون اول سنه ۳۰۲

(مرعیت احکامنه بالاستیدان اراده سنیه)
(جناب پادشاهی شرفعلق بیور بلان طاپو)
(نظامنامه سنک تعدیل اولنگان اون بشنجی بندی)
(صورتیدر)

اون بشنجی بند هر قریه نیک حاوی اولدیغی
اراضینک فراغ وانتقالی وخصوصات سائره سی
تابع اولدیغی قضا مرکزنده اجرا اولنه جنجی کبی
اوقضانک تابع اولدیغی لوا وولایت مرکزرنجه
دخی فراغ تقریرلی استماع اولنه بیلور انجق بو
تقریرلر فراغ اولنه جنق اراضیدن طولابی فارغک
دین میریمی اولدیغی وارضی مذکورهنک بر
سببله محجوز بولمدیغی محلسدن بالتحقیق ثابت
اولدقدنصکره استماع اولنور و تحقیقات مقتضیه
سرعت ممکنه ایله ایفاقلنور طاپو نظامنامه سنک
اون النجی واون سکرنجی ماده لرنده بیان
اولدیغی وجهله سنجاق مرکزنده تحقیقاتی ویاخود
مزایده سی اجرا اولنه جنق اولان وکذا در سعادتده
مزایده مکرره سی اجرا اولنق لازم کلان اراضی
حقنده نظامنامه موجنبجه ایجاب ایدن معاملاتک

اجرا سندنصکره بوجه محرر مخلمجه علم و خبر لری
تنظیم اولنه جنقدر
فی ۷ ربیع الاخر سنه ۳۰۴
وفی ۲۲ کانون اول سنه ۳۰۲
(تصحیح)

عد ایله قصدیننده اولان فرقه دائر ارسال اولنوب
اوجیوز یتیش اوج نومرولی جریده محاکمه درج
ایدیلان ورقره الوچره بدایت محکمه سی رئیس (محمد
رحیمی بن علی الحمادی) امضا سیله ممضی اولدیغی
حالده امضای مذکور سهواً طبع اولمدیغندن بیان
کیفیته ابتدار اولنور

قسم غیر رسمی

(افاده مخصوصه)

فرانسه انکلتره المانیا کبی ممالک متمدنه ده ترقیات
عدلیه به خدمت ایدن مطبوعات رسمیه نیک منافع
سامیه کشاده اولان ستونلرینی تهذیب اخلاق
ایله تنویر افکار ایده جنک زمینلرده نمونه نمای
عبرت وابتصار اولان « رومان استور بیق »
وادیسنده تاریخچه مستند بعض وقوعات منوره
عدلیه به دائر آثار قانونیه نیک تزیین ایتمکده
بولمادیغی ارباب وقوف و معلومات عنسدنه
مسلاتندر .
چونکه تاریخ ادوار متحوله ازکیای عظماسندن
عدم آباد فناده نهان اولان اسلافه وسیله رحمت
اوله جنق حیات جاودانی وعصراً بعد عصر
مهد آرای وجود اولان اخلافده عبرت بین
استقبال اوله جنق بر یادکار وجدانیدر .
سایه معارفیرایه جناب ملوکانه ده آثار جدیده


عدلیه مزک اعتلای کالنه بحق بدایع بخشای
فیوضات اولان شو عصر معدلتحصیر حضرت
خلافتپناهینک جله محسناتندن اولمق اوزره
انتشاری عیون آرای افتخار اولان جریده محاکمک
یوما فیوما تنسیق واصلاح مندرجاتنه چالیشلقده
اولدیغی کبی قسم غیر رسمی سر لوحه سنی
تشکیل ایدن صحیفه لرمنزى اشغال ایتمکده بولنان
مباحث قانون پردازانه صره سنده مجرد استفاده
عمومیه به خدمت مقصدیه اوروپا محاکمکی جرائد
معتبره سنک شو اصول وشبوه سنده پیرو اوله جنق
طرز واسلوبده تجربه قلم نوعندن بعض مقالات
تاریخیه عدلیه نیک نشرینه خامهران غیرت اولمق
تصورنده بولنیوردق .

شایسته تقدیر اولان آثار ادبیه لرندن نمون و متشکر
بولمادیغیمز باش مدعی عمومی معاونلرندن طلعت
بک افندی تاریخ عدلیه نیک کالاتنه پارلاق
بر چیغیر اچه جنق اولان بو فکر ترقی پسندانه مزه
انک اول اشتراک ایله معاونت قلیده ده بولمشدر و بو
وادیده ده جریده مزه بر نمونه ادبیه تاریخیه اهدا
بیورمشدر . شویله که :
عالم ادبیاتک دهات مجدد سندن اولمق عنوان
افتخارینی اون طقوزنجی عصره ترک ایتیش اولان
وبقتور هوغونک کالات عدلیه بی تهذیب اخلاق
نقطه نظرندن تصویر ایدن آثار حکمیه سندن
اقتباساً میرمومی ایله طرفندن تألیف وتنظیم
اولمش وادب وحکمتله امتزاج ایده جنک صورتده

فرانسه تاریخچه مستند بروقه عدلیه بی مصور
بولمش اولان « بر مجرمک صوک ندامتی » نام
اثر قانونینک انک کوزل بر پارچه سنی جریده مزه
درج ایله تزیین ستون ممنونیت ایلرز .

(بروقه تاریخیه عدلیه)

۱۸۳۴ سنه میلادیه سی ایلولنک اون دردیجی
کیجه میدان افقی سراپا سیاه سیاه فورطنه بلوطلری
قابلامشیدی بولیل ظلمت ویلک دهشتندن کویا که
هر طرفی قیامت اولان سما برقبه مظلمه رنگینی
باغلامشیدی . انا فانارعدو برق آتشین شرقدن
غربه طوغری بر طراقة قیامت نمون ایله سخائب
کشیفه بیغندیلرینی پارچه لیه رق روی ارضی
پازده طوفان ایتمکده ایدی . باد صرصر ایله
سیل باران امواج بحردن تشکیل ایلدیکی طاغلی
ومغاره لرندن قو پاردیغی قیالری انین و افغان ایله
ایکتیوردی . شدید شدید اسمکده اولان ریاح
مدهشه نیک برصدای هولناک ایله روی دریاه
ایتلوب طالغه لری یاره رق صولری جوش
وخروش ایچنده هرج ومرج ایلدیکی کورنمکده
ایدی . اره صره جنوب روزکاری هوایه
صاوردیغی قار پارچه لرینی یوزینه پوسکور .
مکدن برآن خالی قالیوردی . زمین عادتاً
پوشیده برف ایله پشتله حاصل ایدیوردی .
بوفورطه نیک شدت ودهشتی کویا که تراکیب



اجزای عالمک تزلزل صدماتیله افتراق وانحلالنی
اعلان ایلردی . هر بره ظلمت چوکشیدی .
هر طرف دهشت کسلشیدی . روزگارک جهانی
صارصمته اولان ولوله هول انکیرانه سیله انسانلر
هیجان قلبلر خلیجان ایچنده قالمشیدی . ریب
وکان بلوطلری التنده ثقلشیدن جسمانیی کجبر
صورتده انظار تماشاچه چار پان مکمل بر فابریقه
اداره خانه سنک منتظم و مزین بر صالوننده آق
صاچلی براختیار متلاشیانه و متفکرانه برطور ایله
طولاشه رق دیوردی که .
اورته دن اسمنی قالدیروب نابدید اولغه موفق
اولان . پستپوسک کومشترینی صاتوب یالکز
شعدانلری بر یادکار اولق اوزره محافظه ایدن ژان
والژان . هیهات ! شهرلردن قصبه یه کیدرک
و فرانسه یی بر یاندن بر یانه یاره رق (م اوزرندهم)
قضاسنه واصل اولدک . برطاقم ترقیاته تجارت
چالشدک . بیلده میه جک بولنه میه جق برحاله
کیدرک اوله می ؟ یکمشندن طولایی وجدانک
متأسف اولدیغنی و عمرینک نصف مؤخرینک
نصف مقدمنی ستر ایده جک برحالده بولندیغنی
حسن و مشاهده ایله بمنون اولق استبان ژان
والژان . لکن هیهات ! سن بر صلح و امید
وامنیت تامه ایچنده یاشامقی استیوردک ؟
(شدت نهالکله) اوت یالکز عالمده ایکی فکر
وار ایدی . اسممی کتم و اخفا ایدرک عمر
وحیاتک احوالی تقدیس ایتک . انسانلردن تبعاعد

ایدوب جناب حقنه تقرب ایتک بویکی فکرک
ایکی سیده بنی مجهولیتسه طوغری چکبور .
باقلم . باقلم .
اختیار بر از کنیش نفس الدقندن صکره دفعه
تحویل طور و حال ایله ینه سو یلیدی که : کندینی
اعلان ایتک . اوشان ماتیوی حبسخانه دن
چیقارمق . امان یار بی ! نره ده می ؟
کوردیکم رؤیادکمیدر ؟ بکانه دیدیلری ؟ هیچ !
مفتش ژاوری کوزلمک کوردیکی وبکا اوسوزلری
سویلدیکی صحیحیدر ؟
اوشان ماتیو کیم اوله بیلیر ؟ دیمک اولیورکه
بکا بکزیور . امکانی وارمیدر ؟ دون اوقدر
ساکن اولدیغمی و برشیدن شبهه ایتکدن اوقدر
اوزاق بولندیغمی دوشندیکه . دون بووقته
نه یاپوردم . بووقته ده نه غریب حال واردر
بونک نتیجه سی نه اوله جق ؟ آه نه یاملی .
ای ژان والژان . اسم اصلیسینی کومسک
ایچون بر درین مزار اچتیق . بو اسمی بولغنی
نامی ایشتمک بنی محو ایده جک . بوژان والژان
اسم مدهشی قرانلقدن وفسیاندن چیقوب بردن
بره کوزلمک اوکنده می تجسم ایده جک . بنی احاطه
ایدن اوقیلی اسراری کشف ایده بیله جک برضیا
ییلدیرم کبی باشمک اوزرنده می پارلیه جق .
بیتک ایچنده می باطلایه جق .
ژان والژان بردن برینه تبدیل فکر ایله دیدی که .
ای نه در ؟ نه دن قور قیورم . قور تلمدم با
احوال ماضیه می کوستره جک اوقیو بتون بتون
سداولندی بوژاور بو قور قیج ادم . حقیقه

بنی کشف ایتش اولان بوآو کوپکی حقمده کی
فکرندن و ازیکه رک بولنی دکشیدردی . یاوزوالی
فلا کترده قادین محو اولسونمی ؟ سفیل چو جوغنی
کیم قورتاره جق . بر مملکتک تجارتی ثروتی
خلقتک محبتی فضیلتی بر مجرمک نامیله می لکه دار .
اولسون . خیر خیر . ترسانه برانقه زنجیر لاله
یشیل تاکیه استراحتسز ایش مرحتسز عار
هب بوشیلر رفکر سماقی ایله قاریشقمی
بولسون .
اوکده ایکی طریق وار یاخارجاً فضیلتله داخل
ملعت . یا داخله قدسیتله خارجاً دنانت هاد
نکیسنی ترجیح ایدرسک کندیمی خبر و بر مکی
یوقسه سکوت ایتکمی شخصی صاقلامقی
یوقسه روحی قورتارمقی نفرته شایان محترم
بر آمر اولقمی یوقسه حرمته شایان منفور بر ترسانه
مجری بولتمقی یوق یوق .
اوت اوآدم ترسانه یه کیده جک اورایی اوبله
لکن نه یاپیلیر کندیمی خرسزلق ایتش بن بوراده
قالوب ایشمه دوام ایدرم اون سنه ظرفنده
اون ملهون قزانیرم هپسنی مملکتک طماعیتیم
یایدیغمی یا په جغمی کندم ایچون یاپیورم آ بوندن
بکانه نیچون نفسمی دوشنیم ایتدیکم غیرتله
عمومک ثروتی کتدیکه اریور . صنایع ترقی
ایدور فابریقه لر ماکنه لر چوغالیور . عالمه لر
فالمیلر بختیار اولیور . مملکتک نفوسی
تکثیر ایلور خالی بر لر چفته لک چفته لکر کوی

اولیور . سفالت سفاهت ذلت جنایت بتون
قالقیور . او بیچاره قادینده چو چغنی تریه ایتش
اولیور .
هایدی وریلان برقرارک تفرعانی اوکنده قور .
کتوروب طورمق اقتضا ایتز . بنی بوژان
والژانه ربط ایده جک برطاقم سررشته لری
اماره لیده قویارمق ایجاب ایدیور . بو اوطه نک
ایچنده بنم علیهمده اقامه اولنه جق بر دعوائی
اثبات ایده بیله جک برطاقم دلستر شاهدر
واردر بونلرک جمله سی محو اولمی . دیدی .
اوصره ده کیسه سندن چیقار دیغنی انختارله
دیوارک کوشه سیله او جاغک کناری ارسنده
اصلا بللی اولسیان رطولایی اچوب ایچندن
اسکی پچاوره لر چیقاردی . بونلر مائی بزدن
بر جاکت . براسکی پانتالون . بریمالی طور به
ایله ایکی طرفی تیمورلی برقالین صوبه دن عبارت
ایدی که ۱۸۱۵ سنه سی تشرین اولنده ژان
والژانک (۰۰۰۰) قصبه سنه کردیکنی سیر
ایدنلر بونلری کورمش اولیدیلر اودهشتلی
جانینک اووقته کی البسه لری اولدیغنی اکلابه .
جقاردی .
اختیار بی اختیار قالدی آه جنایت نمونه لری آه !
محو اولکز دیه رک جمله سی طوبلا یوب اتشه اتدی .
میرداتمق نوعندن دیدی که ایشته صوک بر نظر فلاکت
اتش ظلمی وجدانلری یا قان بر مجرمی احاطه ایدن
پلاسیپاره لرک دتره یان شعله سی سیر ایدیور .

ای خاکستر ملامت طاغل سرپل نحو اول بی نشان اول .
 بردن بره اوچاغک اوزرنده بولنان ایکی شمعدانای کوردی . بونلریده بوزملی یاقلی اوت یایدیگی اکیال ایت او شمعدانلریده بوز او یادکارلری نحو ایت پستیوسی اونوت اوشان ماتیوی باتیردیبه میرلدانمقده ایکن قولاغنه برصدای ناکهانی کلپوردی . لکن بوسس . پستیوسک آوازی ایدی اوت ژان والژان دیوردی . آه بن نه یاپورم عظمتلی اللهم صفو ایت مناجاته تردیفاً برطور تجلدانه ایله شو سوزلری سویلدی .
 کیده جگم چونکه هیچ برشی یامامش بریکناه سنک اسمکک مصیبتلرینی چکیور . کیده جگم چونکه اونام برجنایت مجسمه کبی زوالی براختیارک اوزرینه چوکوب بیچاره بی از بیور . کیده جگم چونکه او فلاکتزده بی بنی ظن ایتدکاری ایچون مجازات کوره جگ . عمرینک بقیه سنی بردهشتلی اشکنجه ده پکیره جگ . کیده جگم چونکه بن سعادت ایچنیده یاشارکن بری بریمه ترسانده قرمزی خرقه بی کیوب او اغر زنجیرلر التنده سفالتلر ایچنده اسمک بلالرینی چکه جگدر آه الحیق طورمه کیت که کیسه نک ایشتمیه جکی برسس ظلماتک ایچنده سکا لعنت اوقیه جقدر .
 اوت سنی مدح و ثنا ایده جگ دعالرک کافه سی بارگاه کبریایه واصل اولدن بره دوشه جگ یالکز او بد دعا جناب جقه واصل اوله جقدر .

هایدی طورمیدلم وظیفه منزی اجرا ایدهلم بهرک برمنافه نامتناهیه نک ایچنده کندیسنه ظلمت بخش ودهشت انکیور کورینان قرار تیلاره سنده نایب اولشیدی .
 بووقعه دن اوج کون صکره هوا غایت کشاشلی بر بهار دائمی منظره سنی کوستره جگ درجه ده اطرافه طراوت نثار لطافت اولقده بولنیوردی . کونشک ضیاسی شمعده دارنزهت وصفای ایدی . خلق آقین آقین دائرة عدلیسه به کیددیوردی او کون پک مهم بر محاکمه نک اجراسی مقرر ایدی . مطبوعات عدلیسه نک اولجه وقوع بولان اعلانی اوزرینه (آراس) جنایت محکمه سنک دیوانخانه سی مستعینک کثرت هجوم وازدخانندن یکلمز برحاله گلشیدی . عساکر ضبطیه محاکمه دیوانه کیرمه حاضرلنمقده اولان خلقی یاره رق سامعین صره رینه برلشدیرمک ایچون بهیا بولنیوردی .
 وقتا که آراس جنایت محکمه سی اچلیدی . مزین برصالون . اطرافی مضبوط برمنظره و قورانه کوستر محاکمه دیوانی نظرله مهابتکارانه حیرت ویرمکده ایدی . سطح زمیندن مرتفع برحمله اوزری یشیل اورتیلی مدور واوزون برماصه نک اطرافنده اوروپا اصولی اوزره ایسه مخصوصه لریله یالدرلی قولتوقلر اوزرنده بولنان هیئت حا که متفکرانه وادیانه برحاله بولنمقده ایدیلر . صاغ طرفنده مدعی عمری

منعظمانه کوزلکنی دوزلتمکده . صول جهتمده ضبط کاتبی اوتورمقده ایدی . هیئتک قارشوسنده بولنان برماصه اوکنده متهم شان ماتیو ایله ضبطیه لر . شاهدلر . ایکی طرفده سامعین . دعوی وکیلاری . محکمه خدمه لری بولنیورلرایدی رئیس افندی محاکمه دیواننده معلق بیوک ساعتک محوری اوزرنده عکس ایدن صدالر بینی متعاقب دیوانخانه ده کی چاکک ایکی قوردوننی چکه رق بوندن بر ساعت اول قیامش اولان محکمه بی الافرانقه ساعت سکزی بش کچهرک ینه کشاد ایلدیکنی ایچمه بر طلاقله اعلان ایلدی . اصول محاکمه ججه معین اولان تعریفات و ترتیبات قانونیه دائره سنده معاملات ابتدائیه نک صور اجرائیه سنجه دخی پک فصیحانه نطقلر ایراد ایتمکده ایدی که خدمه رئیسک قولتغی ارقه سنه طیانهرق بر کاغد کوستردی . بو ذات محاکمه ده حاضر بولتغی ایستیوردی . رئیس (م . اوزرنده م) بلدیبه رئیس مادلین امضاسنی کورمسيله التنه « محکمه تمیز رئیس موسیو مادلینه احترامات فائقه سنی عرض ایدیور » عباره سنی یازهرق بیورسونلر دیدی . برقاچ دقیقه صکره مادلین کندینی محاکمه دیواننده بولدی . فوق العاده بر عشه ایله آه بنی کیم مجبور ایدیور فقط هیهات . امان یارینی بویه اوله جتم . سوزلری اغزندن دوکلشیدی . کند . یسی کیردیکی وقت اتهامنامه اوقتیوردی . بتون خلق فوق العاده بر دقتله دیکلپورلردی . اتهامنامه سی دیوردی که - المزده بولنان شان ماتیو ترسانه دن چقیمش بر شقیدر . کورکدن قاچش بر مجرمدر . الک مخاطره لی جانلردن حکومتک بوقدر وقتدنبیری اراقده اولدیغی بر متهمدر که بوندن سکز سنه اول تولون ترسانه سندن چیقارکن طریق عامده مسلح اولدیغی حالده قوه جبریبه استعمالیله جروه اسمنده بر کوچک ساووالی بی صومیشدر . بناء علیه جنایت مکرره سنک جزاسی تعیین اولنمیلدر .
 بو اتهامک وشاهدلرک افاداتی ببنده کی اتفافت اوکنده الک زیاده متخیر اولان متهم ایدی . باشندن طرناغنه قدر بتون بدندن برانکار چیقیوردی . اطرافنده صف حرب باغلامش اولان اوقدر دکاوتلرک قارشیسنده کندیسنی یاقلمش اولان اوجهیتک ایچنده بر غریب کبی طور یوردی . حالبوکه استقبالی برتهلمکه عظیمه ده ایدی . مشابهت دقیقه دن دقیقه به کسب قوت ایدیوردی . حاضر بولنانلر بو مصیبتلی دعوا به بیوک بر اضطرابه باقیورلردی . بودعواده هم دهشتدن هم حیلهدن اثر وار ایدی . بو فاجعه بسبتون قراکلی بردومان ایچنده کورینیوردی متهمک آروقاتی قانون لسانیه پک بیوک بر فصاحت کوسترمشیدی . مدافعاتی متهمک ارا نیلان ژان والژانک کندیسنی اولدیغی حالده بیه فعل سرقتی ارتکاب ایتدیکنی اثبات ایده بیلیرمی اساسنه بنا ایتمکده ایدی .
 مدعی عمومی - علی العموم مدعی عمومیلرک معتادی اولدیغی اوزره - پک سرد وشدتلی

بر نطق ایراد اید بوردی که مدعی مدافعک منصفانه
 و حق کویانه سوزلرینی ستایشلره تقدیر ایدرک بونلردن
 استفاده ایتک استیوردی . و کیلک افاداتی متهمک
 علیهنده بر نقطه تعرض اتخاذ ایتدی وکیل مدافع
 متهمک ژان و الزان اولدیغنی قبول ایدیور کبی
 کور نیوردی . مدعی عمومی بونی کنندی ادعاسنه
 بر استناد گاه اتخاذ ایتشیدی . دیمک اولبورکه
 بو آدم ژان الزان ایدی . بو جهت ارتق بشقه
 اثباته محتاج اولیب قبول اولتمش بر ماده
 ایدی .
 بوراده مدعی عمومی کوزلکنی دوزلنهرک بر مهارت
 مخصوصه ایله جنایاتک منبع واسبابی بحثه نقل
 کلام ایتشیدی .

اخ لاق عمومی بی افساد ایدن بوشللو اثار
 شیطنتکارانهک جمعیت بشریه به درکار اولان
 تأثیرات و خیمه سی اوزرینه شدتلی بر هجوم
 ایدرک بوشان مایونک دها طوغریسی ژان
 و الزانک شو جنسایت مده شه سنی ادبیات
 و حکیمانک شعشه کالنی احمالیدن قسم فسادبسنه
 حمل ایتکدن کرو طوره مدی . بو مطالعات
 فیلسوفانه سنی توکندکدن صکره بالذات ژان و الزانک
 بحثه کچدی . بو ژان و الزان نه ایدی ؟ بونک
 تدریفی جهنمدن چیتمش بر دیو ! او بر سر سریدر .
 بر شقیدر . بر جانیدر . بر دیلجیدر . هیچ بر
 مدار تعیشی یوقدر . متهم هر شی انکار ایدیور .
 بونه بیهوده اصمرا . شاهدلرک اتفاقنه قارشی

کندیسنک مدار استناد اوله جق نه ایلی اوله
 بیلور . حاکم افندیلر سزدن عدالت مدلوبدر .
 بو آدمک حقنده مجازات شدیده اجرانی طلب
 ایدرک نطقنه ختام ویردی .
 البته خاطر لرده درکه بو ادعا مؤبدأ کورک جزاسی
 ایدی .
 مدعی مدافع قاقوب مدعی عمومی افندیک نطق
 بلیغنی تقدیر و تحسین مقدماتیله سوزه بانلابرق
 ایده بیلدیکی قدر مدافعه به چالشدی و بو اغورده
 نفسی توکنندی ایسه ده مدافعاتی پک ضعیف
 کور نمشیدی . التزام ایتدیکی ایسه چور و ایدی .
 نه یاپسون ؟

رئیس متهمی ایغه قالدروب مدافعه کر علاوه
 ایده جکک برشی وار میدرسؤ الی ایراد و تکرار ایلدی
 ایسه ده متهم الیق الیق ایکی طرفنه باقمندن بشقه
 بر وضع و حرکتده بولنیوردی . سامعین قهقهه
 ایله کولایورلردی . رئیس افندی متهمه صوک
 بر نظر شدت عطف ایدرک دیدی که :

سویله جکم سوزلره کوزله دقت ایدیکز . چوق
 دوشونمکی ایجاب ایدر بر حالده بولنیورسکز .
 حقکرده حاصل اولان پک قوتلی شبهه لر پک وخیم
 نتیجه لر انتاج ایده بیلیرلر . متهم سزک منفعتکرناشه
 سزی صوک دفعه اوله رق شو ایکی سؤاله جواب
 و بر مکه دعوت ایدیورم .
 اول (پیرون) باغچه سنک دیوارینی اتلادیکزی .
 الما اغا جنک دالنی قردیکزی . الماری چالیدیکزی .

یعنی دیوار اتلامغله سرقت ایتک جنسایتی اجرا
 ایتدیکزی . ایتدیکزی .
 ثانیاً ترسانه دن چیتمش اولان ژان و الزان سز بیلکز .
 یوقسه سز دکلیسکز .
 منهم باشنی صاللابرق و اغزینی اچهرق شاشقین
 شاشقین طوانه باقوب سکوت ایله رینه اوتورمشیدی .
 تکرار اطرافنه بر نظر ملولانه کردیردکن و بو
 مروغنی اوکنده بولنان ماصه به قوبدقدنصکره
 کندیسنک فلاکتندن و قزینک سفلتندن آخی آخی
 بحث و حکایه لره باشلامشیدی . مدعی عمومی
 شدید بر طور متعظمانه ایله متهمک کوزلری ایچنی
 تفتیش ایدیوردی . متهم بردن بره ینه ایغه
 قاقوب سز پک فنا آدمسکز بن هیچ برشی چالدم .
 هر کون ییه جک اکک بوله مز بر فقیر
 اختیارم . شو ضابطه ده متصل قولی صیقه رق
 جواب ویرسهک آ دیور . نیچون خلق بنم
 اوزریمه هجوم ایدیور سوزلرندن بشقه برشی
 تکلمه مقتدر اوله مدی .

- بقیه سی وار
- (در سعادتده وزیر خاندنه مقیم ژاندارمه)
 - (دأرهمی البسه متعهدی طاغستانی عبد)
 - (الغفار افندیک او طه قیوسی اچهرق)
 - (قاصه سی دروننده بولنان معلوم المقدار اچقه)
 - (واشیاسنی سرقت ایتسندن طولایی مظنون)
 - (علیه اولان سابقه لی فراری قره مانلی میخالی ولد)

(بدوسک غیباً اجرا اولنان محاکمه علیه سی)
 (ضبطنامه سی صورتدن مابعد)
 قانون مذکورک ایکیوز التمش التجی ماده سنه توفیقاً
 اتهامنامه لک خلاصه سی جانب ریاستدن متهملره
 تفهیم و معاون مومی الیه جمعی افندی طرفندن دخی
 مرقومونک اتهاملرینه سیبیت و یرن احوال اتهام
 مضبطه لر ایله اتهامنامه لرده محرر اولدیغنی وجهله
 بیان و تشریح اولندقدنصکره مرقومون
 سوبلندیرلرلرکده بونلردن قره مانلی میخالی کندوسنی
 کرک اسکدار و کرک در سعادت پولیس
 دأرله رنده شدتله ضرب ایتش اولدقلرندن ضربدن
 قورتلق ایچون یتاغی یاسف اولدیغنی سوبلش
 ایسه ده انک کندوسنه اصلا رفاقت
 و مشارکتی اولیب برکون نسیم اسمنده اولان
 بریسیله بلاطدن کچمکده ایکن مرقوم یاسفک
 خانه سنده سنت دوکونی اولوق مناسبتیله نسیمک
 تکلیفی اوزرینه کتمش و خانه سنک شکل و وضعیتی
 ایله افراد خلقنی کورمش اولدیغندن ضرب اولند
 یغنی ائشاده همان مرقوم یاسفک اسمنی ویردیکنی
 و یحیایی دخی برکون کوچک مصطفی پاشاده کوروب
 مرقوم ایله بر لشهرک استاوروزد بر خانه استیجار
 ایتش اولملر ایله مذکور خانه لری لدی التحریری
 ظهور ایدن اشیای مسروقه کندو صندوقندن
 چیقدیغنی و مذکور اشیایی اسکدار و قوزغنجق
 قاضی قریه سی جهتلرنده بعض خانه لر دن رفیقاری
 لازاری و خرسنتو ایله برلکده سرقت ایتش
 ایسه ده مذکور خانه لره کیلرک ایدو کنی بیلدیکنی

بالبيان اقرار تهمت ايتكله مرقومان لازاری
 وخرستونك اشكال مخصوصه ليله احوال ساره
 لری معاون مومی الیه جدی افندینك وقوعبولان
 طلبی اوزرینه مرقوم میخالدن لدی الاستیضاح
 لازاری سیاه بیتی اورتی بویلی واورته حالدی
 اولوب اوتوز و اوتوز ایکی یاشلرنده اولدیغی
 وخرستو دخی شیشمانجه و صاری بیتی ستری
 پانطولون اکتسایدیر و قرق یاشنده وهرایکیسی
 دخی یونانستان طرفندن اولوب غلطه جهنده ساکن
 ایدوکلرینی ویحیی دخی مرقوم میخالک افاده سنی
 بالنگر ارخانه لرینی تحری ایتدکری ائاده اشیا ی مسر-
 و قه جله میخالک صندوقندن ظهور ایلدیکی مثللو
 مذکور او طه و صندوق دخی کندوسی اراه ایلدیکنی
 ویاسف دخی میخالی اصلاطانیدیغی اتیان ایلدوب هر
 ایکسی دخی میخاله رفاقت و مشارکت لرینی انکار ایلدی
 مدعی عمومی جانبندن اعطای اولسان ایکی قطعه
 پوصله ده اسملری محرر اولوب دعوت اولندقلری
 حالده ورود ایتماش اولان ترلکچی حاجی
 بدروس ایلغازنوجی قسطینک مضبوط افاده لرینک
 قرانته تشبث اولندقدی بونلردن بالکز حاجی بدروسک
 افاده سی مضبوط اولوب دیگرینک افاده سی
 ضبط ایدلماش اولدیغی جهته مرقوم بدروسک
 افاده سی قرائت ایتدیرلده خلاصه مالی عبدالغفار
 افندینک او طه سندن سرقت وقوعندن تخمینا
 برماه مقدم برکیجه ساعت برادرلده ابدسخانه یه
 کیتک اوزره او طه سندن چیددیغنده عبدالغفار

افندینک قیوسی اوکننده بریسی کورمکه نیچین
 طوردیغی صوردیغنده قرمانلی ترزیرلی بکله یورم
 دیمکه قارشو طرفه ویاخود یوقارو قانه چیمسینی
 سوبیلوب ابدسخانه یه کیدرک عودتده مرقومی
 اوراده کورمدیکنی و پولیس دایره سندن تنظیم
 اولنان تحقیقات خلاصه سنده دخی قرمانلی میخال
 مرقوم بدروسه اراه اولندقدی لیلله مذکورده
 عبدالغفار افندینک او طه قیوسی اوکننده کوردی
 شخص بو میخال اولدیغی بالمشخیص اراه
 ایلدیکنی مبین اولغله افاده سی ضبط ایدلماش
 اولان غازینوجی قسطینک اخبار ایده جی
 شیتک ندن عبارت ایدوکی معاون مومی الیه لدی
 السؤال قرمانلی میخال ویحیانک متادیا کندوسوله
 کزدیکنی و دایما مرقومله برلکده غازینو سنده
 اوتوردیغی اخباردن عبارت اولوب مرقومک
 اسکدار ضابطه سنجیه افاده سی مضبوط
 ایسه ده بوجهت میخالک تحت اقرار و اعتر-
 افنده اولدیغندن جالبه لزوم قالدیغی سوبیلکله
 مرقوم میخالک اسکدار ودر سعادت پولیس دایره
 لرله دوا اراسننطاقیه سنده ضبط ایدیلان افادانی
 قرائت ایتدیرلده خلاصه سی استانبول و اسکدار
 جهتلرنده خر سزلی مقصدیه اون التی کشیدن
 عبارت اوله رق بر قومپانیه اولوب بونلرک ایچنده
 کندوسیده داخل بولندیغی حالده ارتق شو-
 حالدن فارغ اوله جق ایسه ده نه چاره که تعیشه
 محتاج اولدیغندن اکر کندوسی حکومت مأمورلغنه

قبول ایتدیریلور ایسه ده بو قومپانیه افرادی
 مسروق اشیا ایله جله در دست ایتدیره جکنی
 وحتی نمونه اوله رق مرقوموندن سابقه لی اربود
 یحیایی در دست ایتدیردیکنی و مذکور قومپانیه
 افرادی دخی بری بو اربود یحیی و دیگرلری
 قوقونی و کوچک یانی واز میرلی یانی و شیرلی
 میخال و چاقونه میخال و خرستو و یانیه لی عکلیا
 و صاری طودوری و دیمستوقلی و بوزغادلی
 عبدالله و قومار باز پرینکی ودها سائر اشخاص
 اولوب یکن نیسان ایچنده قاضی کوننده ساقز
 اغاجی نام محله کوشه باشنده واقع فرانسزینک
 خانه سنده بو قومپانیه افرادندن طودوری ویحیی
 و کندوسی و دیگر ایکی نفر رفیقلری یعنی بش
 کشی اولدقلری حالده بالدخول بعض اشیا سرقت
 ایتدکری کبی مؤخرأ دخی بو قومپانیه افرادندن
 خرستو واز میرلی یانی ویحیی و کندوسی یعنی جمعاً
 درت کشی اولدقلری حالده چنارده واقع برخانه یه
 بوندن بر ایکی کیجه صکره دخی نقاشده واقع برسا-
 خخانه یه بالدخول سرقت ایتدکری اشیا دن برمقداد
 رینی اسباق اسمنده برهودی یه صاندقلری کبی درت
 عدد کورکی دخی التی لیره یه ارسلان اسمنده دیگر برهود
 ی یه صاندقلرینی و بلاطده محل اقامتیه خانه سنک شکل
 وو ضعیفنی و افراد عالیه سنی تعریف ایتدیکی و عند
 الکشف اشبو تعریفی قرین صحت اولدیغی اکلاشیلان
 بهودی یاسف دخی کندوسنک یتاغی ایدوکنی و استانبول
 جهته دخی سعدی بکک قوناغنده دخول ایتمش ایکن
 در دست اولدیغی کبی کوچک بازار ده دخی

بر خانه یه دخول ایله بعض اشیا سرقت ایلدیکنی
 بیاندن عبارت اولدیغی اکلاشیلغله اشبو افادات
 کندوسنک اولوب اولدیغی مرقوم میخالدن
 لدی السؤال بوسوزلری اسکدار و استانبول
 پولیس دایره لرینک ضرب و اشکنجه سی تخنده
 اوله رق سوبیلش ایدوکنی افاده و رفیقلری یحیی ایله
 یاسفک بغیر حق متضرر اولدقلرینی اتیان ایتکله
 و شایان تدقیق بشقه برجهت قالدیغی بیان اولغله
 معاون مومی الیه جدی افندی مرقومون میخال ویحیی
 ویاسفک مابه الاتهاملری و جهله مجرمیت لرینک تحت
 قراره النسی ادما ایتسنه قارشو وکیللردن رجائی
 افندی موکلای قره مانلی میخالک اقرار و اعترافی
 درکار ایسه ده مدجایه اولان یکریمی خانه دن انجق
 سعدی بک افندینک قوناغنه سرقت قصدیه
 کیر دیکی ثابت اولوب حالبوکه اقرار ایسه مدار
 حکم اوله میه جفندن موکلنک مسؤلیتی طرفنه
 کیدیه میه جکنی و محمد علی افندی دخی یحیانک مدار
 اتهامی میخالک اقراری ایسه ده کورک اقرار و کورک
 انکار انجق حاکم حضورنده اولور ایسه معتبر
 اولوب حالبوکه میخال حضور محکمه ده بو اقرارینی
 کره سه مبنی ایدوکنی بیسان ایتدیکی کبی میخالک
 اقراری صحیح فرض اولنسه دخی مرقومک
 اقراری یحیانک کندوسنه فعل سرقتده رفاقتدن
 عبارت اولوب حالبوکه هیئت اتهامیه میخالک
 اقرارینی صحیح فرض ایتدیکندن ناشی یحیی بی یتاق
 اولق اوزره اتهام ایتدیکنی و الحاصل موکلای علمبنده
 میخالک اقراری و برده خانه سنده اشیا ی ممروقه
 ظهور ایتسی احتمالاتی حکم ایچون کافی اوله میه جفنی

وعزت افندی دخی موکلی یاسف علیهنده در میان اولنان دلیل و اماره موهومات اولدیغی کبی بر کیمسه ننگ لواز مات بیتیه سنک آخر بر آدم طرفندن وقوعبولان مقتریاته دلیل عدالتمسی مغایر عدالت اولدیغی وبوندن قطع نظر میخال موکلی علیهنده کی اقرارینی کرهه بنا ایتمکده اولدیغی کبی فرض بحال اوله رق موکلنک یتاغی اولدیغی حقنده کی اقرارنده اصرار ایتمسه بیله نه قول مجردنده قالدیغندن بر کونه حکم وتأثیری اوله میسه جغنی و خصوصیه میخال سرفتی اعتماد ایتش طاقندن اولسنه نظراً کیردیکی خانه دن استفاده غرضیه بو یولده کی تحقیقاتنی تعقیق ایله جکی طبیعی ایدوکتی وحتی یاسف فقعدان اماره دن ناشی مظنون اوله میسه جغنی کبی وجداناً دخی بری الذمه ایدوکتی بالبان هر اوچی دخی موکلرینک برائت ذمترینه قرار ویرلسنی طلب ایتنریله ولدی السؤال طرفینک بشقه بر دیه جکری اولدیغی اکلاشلغله محاکمه ننگ ختام بولدیغی بیان اوله رق مذاکره اوله سنه کلندی

طرفینک سبق ایدن ادعا و مدافعاتی و تدقیق اولنان افادات مضبوطه اوراقی اوزرینه ایجاب کیفیت لدی المذاکره متهملر دن میخال اسکدار و قوز غنجیق وقاضی قریه سی جهتلرنده خرسستو ولازاری اسمنده ایکی نفر رفیقی ایله بعضی خانه لردن فعل سرفته جرأت ایتدیکنی طایعاً حضور محکمه ده بالاقرار یچی ایله یاسف حقنده کی ضابطه ده سبق

ایدن اقرارینی کرهه بنا ایتمکده و مرقومان یچی و یاسف دخی انکار تهمله میخاله یتاقلق ایتدکرینی کتم و اخفا ایتمکده و وکیللری مومی الیم طرفلرنده دخی بر منوال محرم مدافعه اولتمکده ایسه ده مرقومان میخالک حضور محکمه ده مسهوق و اسکدار و در سعادت پولیس دایره لرینجه مضبوط اولان اقرارلرینه و تر لکچی بدروسک ضابطه خلاصه سنده محرم اولدیغی وجهله وقوع سرفندن چند کونه مقدم لیلأ عبدالغفار افندیکنک اوله سی اوکنده طولاشان شخصک بو میخال اولدیغی لدی الاراء تشخیص ایلمسه و مرقومک افاده سی اوزرینه یچی ایله بر لیکده استاوروز نام محلهه استیجار ایتدکرین خانه دن لدی التجرى اشیای مسروقده دن اکثرینک ظهور ایتسنه و یاسفک خانه سنک شکل و وضیعی و افراد عالمه سنک عند الکشف مرقوم میخالک تعریفنه موافق اولدیغی کورنمسنه نظراً مرقوم میخالک تاویلی ثم التدارک اولوب چونکه مرقوم میخال جبرتمکنده اوله رق اقرار ایتش اولسه ایدن ضابطه ده کی اقرارینی حضور مستنطقده دخی تکرار ایتیه جکی کبی افاداتی دخی عند الکشف والتجرى صحیح چیه میسه جغنی بدیهی و بحیانک مرقوم میخالی اصلاطاً نیدیغی سوزینه کلنجه بر کیمسه اصلاطاً نیدیکى و حال وشانده واقف اولدیغی بر آدمی طول مدت خانه سنده یاثر میسه جغنی و برابر نجه خانه استیجار ایتیه جکی درکار اولدقدن بشقه میخاله مناسب تر لی بر تاجر درر و همشیره مک قوجه سیدر

و اسمیده جعفر افندیدر دیو نام وصفت ویردیکنک زوجه سی نجیه ننگ مضبوط افاداتده محرم اولسنه کوره مرقوم میخالی اصلاطاً نیدیغی حقنده کی اخیراً در میان ایلدیکی سوزی ترتیب ایدلش بر صنیهه اولغله مرقومان یچی و یاسفک انکارلری دخی واهی و وکیل مومی الیمک مدافعات مسروده لری ایسه اشیای ثبوتیه مذکوریه بی تملیله غیر کافی اولدیغندن مرقوموندن میخالک مضبوط افاده سنده اسامیسنی بالبان اخیراً باطومه فرار ایتدکرینی سوزیلدیکی جهته حقلمنده تعقیبات قانونیه اجرا ایلدیله میان کسان ایله بر لیکده اوله رق ژاندارمه دایره سی البسه متعهدی طاغستانی عبدالغفار افندیکنک در سعادتده وزیر خاننده بولنان اوله سی دروننده کی تیمور قاصه بی شکست ایله معلوم المقدار اچقه و اشیایسنی سرفتی ایتسنده نطولایی مظنون علیه اوله رق تحت توقیف واستنطاقه التمش ایکن فرار و مرقوم یچی ایله بر لشوب استاوروز نام محلهه بر خانه استیجار ایله اوچیوز ایکی سنه سی نلسانک اون ایکنجی جمعه ایرتسی کیجه سی قاضی قریه سنده ساقز اغاجی نام محلهه فرانسه دولتی تبعه سنندن موسیو فرنستک و سنه مذ کوره جزیرانک اون بشنجی بازار کیجه سی چنار جاده سننده واقع مصطفی صفوت افندیکنک مسـ تأجراً ساکن اولدقلری خانه لر به فرداسی بازار ایرتسی کیجه سی ساعت یدی راده لرنده قوز غنجیق قریه سنده دیار بکر والی سابق دولتلو

سماح پاشا حضرتلرینک دامادی عزتلو بهجت بکک ساخلخانیه سنه بالدخول اشیای سرفتی ایتدیکی کبی فرداسی صالی کیجه سی یعنی قدر کیجه سی دخی ساعت درت راده لرنده قوز غنجیقده ارمنی ملتندن قالیساقی زاده اوحناس افندیکنک خانه سنه دخول ایله جکی ایشاده وقوعبولان فریاد اوزرینه پولیسلر طرفندن در دست اوله رق اسکدار ضابطه سنده تحت توقیف واستنطاقه الندیغی حالده اورادن دخی بالقرار سنه مذ کوره تموزینک در دنجی کیجه سی در سعادتده کوچک بازار نام محلهه تجار دن طربزونلی مصطفی افندیکنک خانه سنه بالدخول بعضی اشیای سرفتی ایلدیکی و شهر مذ کورک اونبرنجی کیجه سی دخی نافعیه محاسبه جیسی مشار الیه سعیدی بک افندیکنک قوناغنه سرفتی قصدیه دخول ایتش ایکن بر شیئی المقسزین در دست ایلدیکی و یچی و یاسفک دخی مرقوم میخالک حال وشاننی بیلهرک یتاقلق ایتدکرینی تحقیق ایتمکله محرم اولدقلرینه متفقاً قرار ویریلهرک اولسایده تنظیم اولنان قرار نامه علناً قرائت اولندقدده معاون مومی الیه جدی افندی مرقوموندن میخالک حرکتی قانون جزانک ایکوز بکر منجی و یچی ایله یاسفک فعلاری دخی ایکوز اوتوزنجی ماده سی ذیلی احکامنه موافق اولوب بونلردن میخالک محکوم و بحیانک دخی سابقه لی بونلرندن طسولایی اغر جزا ایله تأدیبلرینی و وکیل

استیفاسیچون تحت حجزه الدیریلان و مدیون
عهده سنده اولان ایاصوفیه کبیرده اسحق پاشا
محل سنده طپراق زقافده کاشن درت او طه و مشتلات
سارهبی حاوی اونبر نومرولی برباب خانه نک
اوج حصه اعتبار یله بر حصه سنک تاریخ اعلاندن
اعتیاراً اون بش کون صکره بالمزایده فروخته
تثبت اولنه جنجی در سعادت مرکز اجرا دائره سندن
اعلان اولنور

فی ۲۲ کانون اول سنه ۳۰۲

محمد نورالدین اغانک سورپیک بنت استپان ذمتنده
با اعلام شرعی الاجعی اولان مبالغ معلوم سنک
تأمین استیفاسی ضممنده مدیونه مرقومه نک
عهده سنده اولوب مرهون بولنان صالمه طهرق
قربنده کفوی محله سنده صالمه طهرق جاده سنده
واقع بوز اوتوز ایکی نومروایله مرقم بر بابوقف
بربر دکانی کدکنک نصف حصه شایعه سی اشبو
تاریخ اعلان اعتباراً اون بش کون صکره بالمزایده
فروخت اولنه جفتدن طالب اولنلرک و بی سورمک
استیانلرک مدت مذکورده ختامندن صکره

در سعادت اعلامات شرعیه اجرا دائره سنده
مراجعت انظری

فی ۲۵ کانون اول سنه ۳۰۲

جامی زاده حسن افندی نک محمد راشد افندی عیله نه
اقامه ایلبیکی الاجق واسترداد امانت دعوا سنک
اوجیوز ایکی سنه سی کانون اولنک یکر منجی جمع
ایرتسی کونی ساعت التیده اجرای محاکمه سیچوره
ایکنجی دفعه اوله رق وقوع بولان اعلان اوزریت
مومی الیه محمد راشد افندی اجابت ایتمدیکندن محاکمه
مزبوره سنک کانون اولک یکر منجی طقوزنجی بازار
ایرتسی کونی ساعت بش بچقده اجراسی در سعادت
بدایت محکمه سی ایکنجی حقوق دائره سنجه تقرر
ایتمش و مومی الیه محمد راشد افندی نک معلوم بر
اقامتگاهی و محل سکیناسی اولدیغی مدعی مومی
الیه حسن افندی نک باسند مصدق و کیلی مارد پروس
قلا بچیمان افندی نک تحریراً و شفاهاً واقع اولان
افاده سندن اکلاشلیش اولغله مومی الیه راشد
افندی نک یوم و وقت مزبورده لاجل المحاکمه دائره
مذکوریه کلمسی و یاخود سند مصدقله بر و کیلی
کوندرمی بیان و عکس حالنده قانون مزبورک
بوز قرق بشنجی ماده سی موجباً مدعی نک طلبیله بر
و کیلی مسخر تعیین اولنهرق غیاباً رؤیت محاکمه

مومی الیهم دخی موکلارینک تخفیف
جزالرینی طلب واستدعا ایتملیله تکرار مذاکره

اوطه کلندی

جهت جزا تیلری حقنده دخی مذاکره کیفیت
اولنقدده معاون مومی الیهک طلب و ادعاسی
وجهله مرقوموندن میخالک فعلی جزا قانوننامه
همایونک ایکیوز یکر منجی ماده سنه و یحیی ایله
یاسفک حرکتلری دخی قانون مذکورک ایکیوز اوتو
زنجی ماده سی ذیلی حکمنه موافق اولدیغنه و ماده
و ذیل مذکورده دخی هر نه قدر انسان اقامت ایدر
محل اولسه و یاخود مسکون محله متعلق بولنسه
بیله قبالی و دیوار ایله محدود اولان محللرک دیوارینی
دلهرک و یازد بان ایله آشهرق و یا آلت مخصوصه
ایله قیوسی اچهرق خرسزلق ایدنلر موقفاً کورکه
وضع اولنورلر و کورک جزا سنه مستحق اولان سارقلره
حال و صفتلرینی بیله رک بتاقلق و معاونت ایدنلر
دخی موقت کورک جزا سیله مجازات اولنورلر
دیومحرر بولندیغنه مبنی مرقوموندن میخالک اولجه
اشبو سرفتلردن طولابی موقوف قالدیغی کونلرک
محسوبی اجرا اولتیق اوزره اخیراً تحت توقیفه
الندیغی تاریخدن اعتباراً مرقوم حقنده مقدا
محکمه جنایتدن و بریلان حکم محکمه تمیزدن تصدیق
ایدلامش اولسی جهته مکرر دینیه میوب انجق
سابقه سی و تعدد افعالی سبب شدت عد ایدیله رک بعد
التشهر سکر و یحییانک دخی ابتدای توقیفی اولان اوجیوز

اوج سنه سی شوالنک اون اوجنجی کونندن اعتباراً
کذلک سابقه سی سبب شدت عد اولنهرق بعد
التشهر درت و یاسفک دخی ابتدای توقیفی اولان
سنه مذکورده ذی القعدة سنک یکر منجی بشنجی کونندن
اعتیاراً بعد النشهر اوج سنه مدتلرله کورکه
قونلسنه واستنطاق و ضبط و اعلام خرجلرله خدمه
اجرت قدیمه سی اولان جمعاً اوجیوز التمش
غروشکدخی مرقوموندن بالتحصیل عدلیه و زنه سنه
تسلیم ایتمدیلمسنه بیک اوجیوز درت سنه سی ربیع
الاولنک اوجنه مصادف اولان اوجیوز ایکی
سنه سی تشرین نایسنک اون بدنجی بازار ایرتسی
کونی متفقاً قرار ویریلهرک قانون دائره سنده تفهیمی
اجرا قلندی

اعلان

دعوی و کیلرندن جمعی افندی نک در سعادت
بدایت محکمه سی برنجی حقوق دائره سندن
ویریلان فی ۷ تموز سنه ۳۰۲ تاریخلو و یوز
اوتوز یدی نومرولی بر قطعه اعلام موجبجه
چرکس محمد بک ذمتنده اولان الاجفنتک تأمین

ایدیله جکی اوچنجی دفعه اوله رق اعلان اولنور

فی ۱۰ ربیع الاخر سنه ۳۰۴

وفی ۲۴ کانون اول سنه ۳۰۲

رال اوغلی یورکینک $\frac{202}{21}$ نومرولی اعلام موجنبجه میراث یدی یان اوخانسه دینی اولان مبالغ معلومه نك تسویه سی ضمنده صاری یاریکی محله سنده بازار باشی جاده سنده یوزیکرمی نومرولی بر باب میخانه کدکنده یکریمی سکزسم اعتباریله متصرف اولدیغی درت سهم کدک حصه شایعه سی عند المزیده بیک غروش بدل ایله طالبی عهده سنده تقرر ایلدیکندن تاریخ اعلاندن اعتباراً اوتوز بر کون ظرفنده بدل مذکور اوزرینه یوزده بش ضمیمه طالب اولنلرک بک اوغلی بدایت محکمه سی اجرا مأموریتنه مراجعت ایللری اعلان اولنور

فی ۲۵ کانون اول سنه ۳۰۲

مالیه خزینه جلیله سنک درسعادت بدایت محکمه سی ایکنجی حقوق دائره سنندن ویریلان فی ۲۵ حزیران سنه ۳۰۲ تاریخلو ویوزیکرمی اوج نومرولی بر قطعه اعلام موجنبجه حاجبی محمد امین اتا ذمتنده اولان مطلوبنک تأمین استیفاسیچون

حزینه جلیله طرفندن تحت حجزه الدیریلان قوجه مصطفی پاشاده چفته حمام دروننده بولنان اشیانک اشبو اوچپوز ایکی سنه سی کانون ثانینک یدنجی صالی کونی مذکور حمام دروننده و حاجبیلر اصنافی مواجهه سنده مأمور مخصوص معرفتیه بالمزایده فروخته تشبث اولنه جغندن طالب اولنلرک مذکور حمامده بولنلری درسعادت مرکز اجرا دائره سنندن اعلان اولنور

فی ۲۷ کانون اول سنه ۳۰۲

حطب تجمارندن شوقی افندینک درسعادت بدایت محکمه سی برنجی حقوق دائره سنندن ویریلان فی ۱۰ ایلول سنه ۳۰۰ تاریخلی اعلام موجنبجه بلدییه چاوشلرندن حسین چاوش ذمتنده الاجفی بولنان مبالغ معلومه نك تأمین استیفاسیچون مدیون مرقومک متصرف اولدیغی بک اوغلنده پانقالتیده بایرزقاغنده کائن یوز اوتوز سکز نومرولو بر باب بقال دکانی تمامنک تاریخ اعلاندن اعتباراً اون بش کون صکره بالمزایده فروخته تشبث اولنه جغندن طالب اولنلرک ودها زیاده معلومات الملق استیانلرک درسعادت مرکز اجرا مأموریتنه مراجعت ایللری اعلان اولنور

فی ۲۹ کانون اول سنه ۳۰۲